

Chorographia, seu descriptio Lacus Lemani &
locorum circumjacentium.

Authore Jacobo Goulartio.

Lacus Lem-
nus.

*Nomina Regio-
num circa La-
cium.*

Caeli temperies.

Soli fertilitas.

*Animalium va-
rietas.*

Urbes.

In hac Tabula prima fronte *Lacus Lemanus* in confiniis Ducatus Sabaudiaë, Comitatus Burgundiaë, Dominatus Helvetiæ & Episcopatus Valesiaë conspicitur. Circa Lacum vero nomina Regionum, Præfecturarum, Baronatuum, Ditionum, Itinerum, Fluviorum, Montium, Urbium, Pagorum, Castellorum & Castrorum leguntur. Sabaudiam incolunt Populi Cisalpini linguæ Gallicæ non imperiti, qui olim *Allobroges* teste Iulio Cæsare Commentariorum initio, ab *Allobroge* Galliarum Rege qui florebat anno Mundi circiter 2433 ac postea *Bagande*, teste præstantissimo Antiquite Fauchetio, & tandem *Sabandi* nuncupati sunt, Gallice *Savoysiens*, Sabaudice *Savoysarde*. Illam Regionem ab anno Domini 1126 Comites, & ab anno Domini 1420 Duces hætenus rexerunt. Eadem Regio fertur a Legione latronum primum diuque culta. Verum hodie tuta sunt ibi & secura tempore pacis itinera. De Cœli temperie conqueruntur Incolæ dicentes ut plurimum, ô quam frigus viget! vel, quam æstus ingens est! Et tamen fere nunquam congelatur Lacus nec Rhodanus. Æstus vero non solet ibi esse tam ingens quam in Delphinatu, nec frigus tam vehemens quam in Inferiori Germania, ubi flumina congelari solent. Solum est aratione facile & fertile. Abundant enim Vitis, Triticum, Pisces, Rapis, Caulibus, Fæcolis, Melonibus, Porris, Cepis, Fabis & Lentibus: nec non Hordeo, Fæno & Avena, atque aliis Frugibus. Fructus vulgares hi sunt, Nuces, Poma, Pyra varia, Cerafa dulcia & acida, Mora nigra & alba, Castaneæ & Amygdalæ, rariores sunt Ficus. Incunda quoque adest varietas tum cœlestium, tum aquatiliū, tum terrestrium Animalium. Vvandalæ Helvetici Lausannam & vicinia loca colentes subditi sunt Illustriss. Dominorum Bernensium ditioni, quorum nomine Præfecti per quinquennium magna cum autoritate clavem & clavum Rerumpublicarum tenent. Secundum vetusta Chronica, anno Mundi 2790 Lausannæ fundamenta jecit Arpentinus Herculis Centenarius, a quo derivatum est antiquum ejus nomen *Carpentras*, quod mutatum est cum transferretur in montem Civitatis circa tempora Martini Episcopi Lauphanensis, anno Domini 593. Urbs *Nevidumi*, olim *Benevis* vulgo dicta, ante adventum Iulii Cæsaris desolata & diruta, Imperatoris Flavii Vespasiani tempore restaurata fuit a quodam ejus Centenario nomine Nyon. *Cossonex* anno Domini 442 structum est. *Albona* vero anno Domini 456 & sequentibus condita. *Geneva*, civitas equestris, libera & Imperialis, in qua cuditur Moneta alba & nigra satis nota & probata, primum vocata est *Genevra*, ut nonnulli existimant, quoniam Iuniperi loco in colle sita est, quem situm ei dedit *Lemannus* (pater Alemannorum seu Germanorum) Priami nepos, Paris filius, anno mundi 2994. Postea vocata est *Aurelia* ab Aureliano Imperatore, quoniam Restaurator fuit ejusdem Civitatis, quæ Heliogabali temporibus funditus combusta fuerat. A Iulio Cæsare seu a Latinis vocata est *Geneva*, & a Poëtis, metri causa *Gebenna*, nec non a Notariis. A Germanis *Genf*. A Gallis *Geneve*, cujus anagramma peraptum est *VENGE*. Præter multos ab hostibus hominibus & proclivioribus